

ერთი მხრივ, შპს „თბილისის სატრანსპორტო კომპანია“ (იურიდიული მის: ქ. თბილისი, ვაგზის მოედანი №2), წარმოდგენილი - გენერალური დირექტორის პირველი მოადგილის - ექსპლუატაციის დირექტორის გიორგი ბელთაძის სახით, რომელიც მოქმედებს შპს „თბილისის სატრანსპორტო კომპანიის“ გენერალური დირექტორის 2015 წლის 22 ივნისის №109 ბრძანებით მინიჭებული უფლებამოსილების ფარგლებში (შემდგომში „შემსყიდველი“) და მეორე მხრივ, შპს „ლა ბუტიკ დე ფლოდ“ (იურიდ. მის: ქ. თბილისი, საბურთალოს ქ. №45, ბ. №56, მის: ქ. თბილისი, ფალიაშვილის №27/29), წარმოდგენილი - დირექტორის თამარ ჩხაიძის სახით (შემდგომში „მიმწოდებელი“), ორივე ერთად წოდებული როგორც მხარეები, „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანების მე-2 მუხლის „ა“ ქვეპუნქტის საფუძველზე, ვდებთ წინამდებარე ხელშეკრულებას შემდეგზე:

1. ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „შემსყიდველი ორგანიზაცია“ (შემდგომში „შემსყიდველი“) - ორგანიზაცია, რომელიც „სახელმწიფო შესყიდვების შესახებ“ საქართველოს კანონით განსაზღვრული თანხებით ახორციელებს სახელმწიფო შესყიდვას.
- 1.2. „მიმწოდებელი“ - პირი, რომელმაც შემსყიდველ ორგანიზაციასთან დადო სახელმწიფო შესყიდვის შესახებ ხელშეკრულება.
- 1.3. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - შემსყიდველ ორგანიზაციასა და მიმწოდებელს შორის დადებული წინამდებარე ხელშეკრულება, მასზე თანდართული დოკუმენტით - ფასების ცხრილი (დანართი №1).
- 1.4. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. „საქონელი“ - სახელმწიფო შესყიდვის შესახებ ხელშეკრულებით გათვალისწინებული შესყიდვის ობიექტი.
- 1.6. „დღე“, „კვირა“, „თვე“ - კალენდარული დღე, კვირა, თვე.

2. ხელშეკრულების საგანი

- 2.1 ხელშეკრულების საგანს წარმოადგენს შემსყიდველი ორგანიზაციის მიერ მიმწოდებლისაგან საახალწლო ნაძვის ხის და სათამაშოების (შემდგომში „საქონელი“) გამარტივებული სახელმწიფო შესყიდვა.
- 2.2 შესყიდვის ობიექტის კლასიფიკატორის კოდი: 37520000.

3. ხელშეკრულების ღირებულება

- 3.1 ხელშეკრულების საერთო ღირებულება შეადგენს - 2997 (ორი ათას ცხრას ოთხმოცდაჩვიდმეტი) ლარს, (შემდგომში - „ხელშეკრულების ღირებულება“), საქონლის რაოდენობა და ერთეულის ფასი განისაზღვრება ხელშეკრულების დანართი №1-ის შესაბამისად.
- 3.2 ხელშეკრულების ღირებულება მოიცავს ხელშეკრულებით გათვალისწინებული საქონლის შესყიდვასთან დაკავშირებულ მიმწოდებლის ყველა სავარუდო ხარჯსა და საქართველოს კანონმდებლობით გათვალისწინებულ ყველა გადასახადს, რომელთა გადახდაზე პასუხისმგებელია მიმწოდებელი.

4. საქონლის მიწოდების ვადა და ადგილი

- 4.1 საქონლის მიწოდების ვადად განისაზღვრება - ხელშეკრულების გაფორმების თარიღიდან - 2015 წლის 18 დეკემბრის ჩათვლით.
- 4.2 საქონლის მიწოდების ადგილია - ქ. თბილისი, მექანიზაციის ჩიხი №1.

5. ხელშეკრულების შესრულების კონტროლი

- 5.1. მიმწოდებლის მიერ აღებული ვალდებულებების ჯეროვნად შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განახორციელოს ხელშეკრულების შესრულების კონტროლი.
- 5.2 შემსყიდველის მხრიდან ხელშეკრულების შესრულების კონტროლს ახორციელებს: შპს „თბილისის სატრანსპორტო კომპანიის“ საზოგადოებასთან ურთიერთობის და მარკეტინგის სამსახურის უფროსი/მოვალეობის შემსრულებელი (შემდგომში „ინსპექტირების განმახორციელებელი პირი“).
- 5.3 ინსპექტირების განმახორციელებელი ჯგუფის ფუნქციებია:
  - 5.3.1 გაუწიოს კონტროლი ხელშეკრულებით გათვალისწინებული საქონლის მიწოდების ვადების დაცვას;
  - 5.3.2 დაადგინოს მიწოდებული საქონლის შესაბამისობა ხელშეკრულებით გათვალისწინებულ მოთხოვნებთან;
  - 5.3.3 გააფორმოს მიღება-ჩაბარების აქტი მიმწოდებელთან და უზრუნველყოს მიწოდებული საქონლის მიღება.

შპს „თბილისის სატრანსპორტო კომპანია“  
 გიორგი ბელთაძე  
 გენერალური დირექტორის პირველი  
 მოადგილე - ექსპლუატაციის დირექტორი



„მიმწოდებელი“  
 შპს „ლა ბუტიკ დე ფლოდ“  
 თამარ ჩხაიძე  
 დირექტორი



6. საქონლის საგარანტიო პირობა და ვადა

- 6.1 მიმწოდებელი იძლევა გარანტიას, რომ მიწოდებული საქონელი იქნება ახალი და ხარისხიანი.
- 6.2 მიმწოდებელი ვალდებულია შემსყიდველის მიერ წერილობითი მოთხოვნიდან არაუმეტეს 10 (ათი) დღის ვადაში განახორციელოს წუნდებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.
- 6.3 მიმწოდებლის მიერ საგარანტიო ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.
- 6.4 შემსყიდველ ორგანიზაციას უფლება აქვს უარი განაცხადოს წუნდებული საქონლის მიღებაზე.

7 საქონლის მიღება-ჩაბარების წესი

- 7.1 მიმწოდებლის მიერ მიწოდებული საქონელი ჩაითვლება მიღებულად მიღება-ჩაბარების აქტის გაფორმების საფუძველზე.
- 7.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 7.3 მიღება-ჩაბარების აქტი დეგბა საქონლის (ან მისი ნაწილის) მიწოდების დასრულების შემდეგ.
- 7.4 საქონლის მიღება და საბოლოო შემოწმება ხდება საქონლის მიწოდების ადგილზე.
- 7.5 საქონლის (ან მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

8 ანგარიშსწორების პირობები და ვადები

- 8.1 ანგარიშსწორება განხორციელდება უნაღდო ანგარიშსწორების ფორმით ლარში, მიმწოდებლის საბანკო რეკვიზიტებზე მის მიერ ფაქტიურად მიწოდებული საქონლის მოცულობის შესაბამისად;
- 8.2 ანგარიშსწორება განხორციელდება 5 (ხუთი) სამუშაო დღის განმავლობაში, ხელშეკრულების შესაბამისად გაფორმებული მიღება-ჩაბარების აქტის, სასაქონლო ზედნადებისა და საგადასახადო ანგარიშგაქტურის (იმ შემთხვევაში თუ მიმწოდებელი არ არის დღგ-ის გადამხდელი, მაშინ მან უნდა წარმოადგინოს შესაბამისი გნოზა სსიპ შემოსავლების სამსახურიდან) წარდგენის საფუძველზე.
- 8.3 შემსყიდველი უფლებამოსილია, ხოლო მიმწოდებელი თანახმაა ხელშეკრულების 12.3 და 12.4 პუნქტებით დაკისრებული პირგასამტეხლოს თანხა (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან.
- 8.4 საქართველოს კანონმდებლობით გათვალისწინებული ყველა გადასახადის გადახდაზე პასუხისმგებელია მიმწოდებელი.
- 8.5 საავანსო ანგარიშსწორება არ გამოიყენება.

9. მხარეთა უფლებები და ვალდებულებები

- 9.1 შემსყიდველი და მიმწოდებელი მოქმედებენ „სახელმწიფო შესყიდვის შესახებ“ საქართველოს კანონისა და სხვა საკანონმდებლო აქტების მოთხოვნათა სრული დაცვით.
- 9.2 შემსყიდველი უფლებამოსილია:
  - 9.2.1 განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
  - 9.2.2 საქონლის მიწოდების ვადების დარღვევის შემთხვევაში მიმწოდებლისაგან მოითხოვოს პირგასამტეხლოს გადახდა წინამდებარე ხელშეკრულებით გათვალისწინებული ოდენობის შესაბამისად;
- 9.3 შემსყიდველი ვალდებულია:
  - 9.3.1 მიიღოს მოთხოვნილი საქონელი;
  - 9.3.2 მოახდინოს მიმწოდებელთან ანგარიშსწორება წინამდებარე ხელშეკრულებით გათვალისწინებული წესების შესაბამისად.
  - 9.3.3 განახორციელოს ამ ხელშეკრულებით მასზე დაკისრებული სხვა ვალდებულებები.
- 9.4 მიმწოდებელი უფლებამოსილია:
  - 9.4.1 მოითხოვოს შემსყიდველისგან მიწოდებული საქონლის ღირებულების ანაზღაურება წინამდებარე ხელშეკრულებით გათვალისწინებული პირობების შესაბამისად;
  - 9.4.2 ანგარიშსწორების ვადების დარღვევის შემთხვევაში შემსყიდველისაგან მოითხოვოს პირგასამტეხლოს გადახდა წინამდებარე ხელშეკრულებით გათვალისწინებული ოდენობის შესაბამისად;
- 9.5 მიმწოდებელი ვალდებულია:
  - 9.5.1 მიაწოდოს შემსყიდველს ნივთობრივად და უფლებრივად უნაკლო საქონელი;
  - 9.5.2 საქონლის მიწოდება განახორციელოს მიწოდების ვადისა და ადგილის შესაბამისად;
  - 9.5.3 საქონლის მიწოდება უზრუნველყოს საკუთარი ხარჯით;

შპს „თბილისის სატრანსპორტო კომპანია“  
 გიორგი ბელთაძე  
 გენერალური დირექტორის პირველი მოადგილე - ექსპლუატაციის დირექტორი

„მიმწოდებელი“  
 შპს „ლა ბუტიკ დე ფლორ“  
 თამარ ჩხაიძე  
 დირექტორი

- 9.5.4 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე, დაუყოვნებლივ განახორციელოს ქმედებები აღმოჩენილი ხარვეზის გამოსწორებისათვის;
- 9.5.5 განახორციელოს ამ ხელშეკრულებით მასზე დაკისრებული სხვა ვალდებულებები.

10. ხელშეკრულებაში ცვლილებების შეტანა

- 10.1 ხელშეკრულების დამდებ არცერთ მხარეს უფლება არ აქვს ცალმხრივად შეცვალოს ხელშეკრულების პირობები.
- 10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამის ინფორმაცია.
- 10.3 ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, დაუშვებელია.

11. ხელშეკრულების შეწყვეტა

- 11.1 ხელშეკრულება შეიძლება შეწყდეს:
  - 11.1.1 მხარეთა წერილობითი შეთანხმებით;
  - 11.1.2 ხელშეკრულების ვადის გასვლის გამო;
  - 11.1.3 საქართველოს კანონმდებლობით ან/და ამ ხელშეკრულებით გათვალისწინებულ სხვა შემთხვევებში.
- 11.2 შემსყიდველი უფლებამოსილია ცალმხრივად (მოლიანად ან ნაწილობრივ) შეწყვიტოს ხელშეკრულება, თუ:
  - 11.2.1 მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
  - 11.2.2 მიმწოდებელი სისტემატიურად ან/და უხეშად არღვევს ხელშეკრულების პირობებს;
  - 11.2.3 მიმწოდებელი ხელშეკრულებით გათვალისწინებულ ან შემსყიდველის მიერ გაგრძელებულ ვადებში ვერ უზრუნველყოფს ხელშეკრულებით გათვალისწინებული საქონლის მიწოდებას;
  - 11.2.4 მიმწოდებლის გაკოტრების შემთხვევაში;
  - 11.2.5 საქართველოს კანონმდებლობით გათვალისწინებულ სხვა შემთხვევებში.

12. მხარეთა პასუხისმგებლობა

- 12.1 მხარეები იღებენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობის ან არაჯეროვანი შესრულების შედეგად მიყენებული ზიანი, მოქმედი კანონმდებლობით განსაზღვრული წესით.
- 12.2 შემსყიდველი პასუხისმგებელია ხელშეკრულებით გათვალისწინებული ანგარიშსწორების ვადების დარღვევისათვის. ასეთი დარღვევის არსებობის შემთხვევაში იგი პირგასამტეხლოს სახით მიმწოდებელს გადაუხდის გადასახდელი თანხის 0.1% ყოველი ვადაგადაცილებული დღისათვის.
- 12.3 მიმწოდებელი პასუხისმგებელია ხელშეკრულებით გათვალისწინებული საქონლის მიწოდების ვადების დარღვევისათვის. ასეთის არსებობის შემთხვევაში იგი პირგასამტეხლოს სახით შემსყიდველს გადაუხდის ხელშეკრულების მოლიანი ღირებულების 0.1% ყოველი ვადაგადაცილებული დღისათვის;
- 12.4 თუ მიმწოდებელი არ განახორციელებს წუნდებული საქონლის შეცვლას, ხელშეკრულების 6.2 პუნქტის შესაბამისად, დაეკისრება პირგასამტეხლოს სახით ხელშეკრულების მოლიანი ღირებულების 0.1 პროცენტი ყოველი ვადაგადაცილებული დღისთვის.
- 12.5 პირგასამტეხლოს გადახდა არ ათავისუფლებს მხარეებს ძირითადი ვალდებულების შესრულებისაგან.

13. ფორს-მაჟორი

- 13.1 მხარეები თავისუფლდებიან პასუხისმგებლობისაგან თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ასეთი ვითარების არსებობის შემთხვევაში ხელშეკრულების პირობების ან რომელიმე მათგანის მოქმედების შეჩერება არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუალაზრებელ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა.
- 13.3 მხარე, რომელიც ხელშეკრულების 13.1 პუნქტით გათვალისწინებული შემთხვევების გამო ვერ ასრულებს ხელშეკრულებით აღებულ ვალდებულებას, ვალდებულია დაუყოვნებლივ წერილობით აცნობოს მეორე მხარეს ვალდებულებების შეუსრულებლობის გამოწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში წარმოადგინოს ფორს-მაჟორული გარემოების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილობით მოყვანილ გარემოებებს.

შპს „თბილისის სატრანსპორტ კომპანია“  
 გიორგი ბელთაძე  
 გენერალური დირექტორის პირველი მოადგილე - ექსპლუატაციის დირექტორი

„მიმწოდებელი“  
 შპს „ლა ბუტიკ დე ფლოდ“  
 თაბარ ჩხაიძე  
 დირექტორი

ქ. თბილისი

14 12 2015 წელი

- 13.4 ფორს-მაჟორული გარემოებების დადგომის შემთხვევაში თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.
- 13.5 ხელშეკრულების 13.3 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადად შეწყვიტონ ხელშეკრულების მოქმედება.

14. დავების გადაწყვეტა

ხელშეკრულებიდან გამომდინარე დავებს მხარეები გადაწყვეტენ ურთიერთშეთანხმების გზით. შეთანხმების მიუღწევლობის შემთხვევაში მხარეები უფლებამოსილნი არიან მიმართონ სასამართლოს საქართველოს კანონმდებლობით დადგენილი წესით.

15. ხელშეკრულების სხვა პირობები

- 15.1 ხელშეკრულების არცერთ მხარეს უფლება არა აქვს მეორე მხარის წინასწარი წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი;
- 15.2 ამ ხელშეკრულებით გათვალისწინებული საკითხები განისაზღვრება საქართველოს კანონმდებლობის შესაბამისად;
- 15.3 ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად, რომელთაგან თითოეული ეგზემპლარი ინახება ხელშეკრულების მონაწილე მხარეებთან.

16. ხელშეკრულების მოქმედების ვადა

- 16.1 ხელშეკრულება ძალაშია მისი ხელმოწერის დღიდან და მოქმედებს 2016 წლის 31 იანვრის ჩათვლით,

17. მხარეთა რეკვიზიტები:

„შემსყიდველი“  
 შპს „თბილისის სატრანსპორტო კომპანია“  
 საიდენტიფიკაციო ნომერი: 202886788  
 ქ. თბილისი, ვაგზლის მოედანი №2  
 ტელ: (995 32) 2-93 50 50.  
 სს საქართველოს ბანკის ცენტრ. ფილიალი,  
 ა/ა № GE32BG000000127527201;  
 ბანკის კოდი: BAGAGE22

„მიმწოდებელი“  
 შპს „ლა ბუტიკ დე ფლორ“  
 საიდენტიფიკაციო ნომერი: 404929896  
 იურიდ. მის: ქ. თბილისი, საბურთალოს ქ., №45, ბ. №56  
 მის: ქ. თბილისი, ფალიაშვილის №27/29  
 ტელ: (995 32) 558 145 148  
 სს თი-ბი-სი ბანკი  
 ა/ა GE90TB 736 91360 801 00001;  
 ბანკის კოდი: TBCBGE22

შემსყიდველი  
 შპს „თბილისის სატრანსპორტო კომპანია“  
 გიორგი ბელოძე  
 გენერალური დირექტორის პირველი მოადგილე - ჩასპლოუტაციის დირექტორი

„მიმწოდებელი“  
 შპს „ლა ბუტიკ დე ფლორ“  
 თამარ ჩხაიძე  
 დირექტორი

ფასების ცხრილი

№	შესყიდვის ობიექტი	საქონლის ტექნიკური პარამეტრები	ზომის ერთეული	რაოდენობა	ერთ. ფასი (ლარი)	საერთო ფასი დღგ-ს გათვალისწინებით (ლარი)
I	II	III	IV	V	VI	VII
1	სათამაშო	ხის, სხვადასხვა ფორმისა და ზომის	ც	90	4	360
2	ნაძვის ხის სათამაშო	წითელი, სხვადასხვა ზომის	ც	60	5,40	324
3	ნათურა	ფერადი ნათურა 2-2,5 მ სიმაღლის ნაძვის ხისათვის.	ც	2	92,50	185
4	სათამაშო მატარებელი	ლიანდაგზე მოძრავი ელექტრო მატარებელი ელემენტებით	ც	1	430	430
5	სასაჩუქრე ყუთები	სხვადასხვა ზომის სასაჩუქრე ყუთები, ნაძვის ხის ქვეშ დასადები	ც	5	20	100
6	ნაძვის ხე	დეკორატიული, მწვანე ფერის, სიმაღლე არანაკლებ 2მ და არაუმეტეს 2.5 მ.	ც	1	798	798
7	ნაძვის ხის ტოტები	დეკორატიული, სხვადასხვა ფორმისა და ფერის ტოტები	ც	40	20	800
სულ						2997

შპს „თბილისის სატრანსპორტ კომპანია“  
 შემსყიდველი  
 გიორგი ბელთაძე  
 გენერალური დირექტორის პირველი მოადგილე - იუსპოლუგაციის დირექტორი

„მიმწოდებელი“  
 შპს „ლა ბუტიკ დე ფლოლ“  
 თამარ ჩხიშიძე  
 დირექტორი

ხელწერილი

ინტერესთა კონფლიქტის არარსებობის შესახებ

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ხელისმომწერნი ვადასტურებთ, რომ შპს „თბილისის სატრანსპორტო კომპანიის“ მიერ გამარტივებული შესყიდვის საშუალებით შპს „ლა ბუტიკ დე ფლოდ“-ისაგან საახალწლო ნაძვის ხის და სათამაშოების სახელმწიფო შესყიდვის პროცედურაში ჩვენი მონაწილეობით, ინტერესთა კონფლიქტში არ ვიმყოფებით.

გენერალური დირექტორის პირველი მოადგილე - ექსპლუატაციის დირექტორი გიორგი ბელთაძე

შესყიდვების სამსახურის შესყიდვების ორგანიზების და ანგარიშგების განყოფილების უფროსი თინათინ იმერლიშვილი - შუბითიძე

თ. იმერლიშვილი

შესყიდვების სამსახურის დაგეგმვისა და კვლევის განყოფილების უფროსი მაია თავაძე

მ. თავაძე

საზოგადოებასთან ურთიერთობის და მარკეტინგის სამსახურის უფროსი ლიანა მხეიძე

ლ. მხეიძე

შესყიდვების სამსახურის დაგეგმვისა და კვლევის განყოფილების კოორდინატორი დაჩი კობახიძე

დაჩი კობახიძე

შესყიდვების სამსახურის დაგეგმვისა და კვლევის განყოფილების სპეციალისტი მამუკა ბარათაშვილი

მ. ბარათაშვილი

შესყიდვების სამსახურის დაგეგმვისა და კვლევის განყოფილების კოორდინატორი ირაკლი გოდელაძე

ირაკლი გოდელაძე